



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 04-23-12553-8/20 KM
Sarajevo, 22.07.2020. god.

SKUPŠTINA KANTONA SARAJEVO
SARAJEVO

PREDMET: Odgovor na „Zastupničko pitanje“

U prilogu dopisa dostavljamo Vam odgovor na postavljeno zastupničko pitanje na 25. Radnoj sjednici Skupštine Kantona Sarajevo održanoj dana 18.05.2020. godine, a od strane zastupnice Jasne Duraković.

Pitanje:

“Mimo dezinfekcije koja se vrši iza svake vožnje, koliko redovno će se vršiti čišćenje, pranje i dezinfekcija kompletnih sredstava javnog prijevoza (autobusi, trolejbusi i tramvaji)?
Rečeno je da korisnici usluga koji posjeduju penzionerske, studentske, đачке i druge pretplatne karte, osim radničkih, prijevozne usluge neće moći koristiti u vremenskom periodu od 06:30 do 09:00 sati kao i od 15:00 do 17:00 sati. Do kada će na snazi biti ova mjera i zbog čega se ne dozvoljava prijevoz gore navedenih kategorija putnika u ovim terminima?”

Odgovor :

Naredbom pod brojem: 12-40-6-148-25/20 od 19.03.2020. godine Federalnog štaba civilne zaštite, zbog pandemije Corona virusa, obustavljen je obavljanje javnog prijevoza putnika na području FBiH a time i u Kantonu Sarajevo. Nakon skoro dva mjeseca, počev od 15.05.2020. godine, a u skladu sa Naredbom pod brojem: 12-40-6-148-163/20 od 12.05.2020. godine Federalnog štaba civilne zaštite, planirano je da se ponovo uspostavi javni linijski prijevoz putnika na području Kantona Sarajevo u reduciranom ali i u ovome momentu optimalnom broju polazaka na registrovanim redovima vožnje.

Kako bi se izvršile adekvatne pripreme za početak organiziranja javnog linijskog prijevoza putnika na području Kantona Sarajevo uz poštivanje svih higijensko – epidemioloških mjera u okolnostima opasnosti od širenja virusa COVID 19, potrebno je utvrditi protokole ponašanja svih učesnika u saobraćaju počev od operatera i njihovih uposlenika pa sve do ponašanja korisnika odnosno putnika.

Organizacija svih vidova javnog linijskog prijevoza putnik definirat će se u direktnom dogovoru prijevoznika KJKP “GRAS” d.o.o. Sarajevo, Centrotans Eurolines d.d. Sarajevo i Ministarstva



saobraćaja Kantona Sarajevo (u daljem tekstu Ministarstvo). U tom cilju formiran je Radna grupa koju čine predstavnici prijevoznika i Ministarstva sa zadatkom da u narednom periodu, pored utvrđivanja optimalnog broja polazaka na pojedinim linijama, utvrdi i dodatnu organizaciju i protokol samog korištenja prijevoznih sredstava od strane korisnika usluga kao i zaštite njihovog zdravlja, zdravlja voznog te drugog osoblja prijevoznika.

Ministarstvu saobraćaja putem Radne grupe prati epidemiološku situaciju i u saradnji sa prijevoznivima koji obavljaju javni linijski prijevoz putnika na području Kantona Sarajevo organizuje prijevoz u skladu sa preporukama Zavoda za javno zdravstvo FBiH koje se odnose na mjere prilikom prijevoza putnika vozilima javnog linijskog prijevoza putnika tokom epidemije koronavirusa (COVID-19).

U cilju obezbjeđenja redovnog i kvalitetnog prijevoza putnika u Kantonu Sarajevo Ministarstvo donosi Instrukciju za organizovanje javnog linijskog prijevoza putnika na području Kantona Sarajevo, 14.05. i 08.06. 2020. godine u kojoj je između ostalog definisano i slijedeće:

- **„Vozila javnog prijevoza putnika na području Kantona Sarajevo se moraju obavezno pojačano dezinfikovati (unutrašnjost vozila i vanjski dio vozila), prije prvog polaska ili nakon povratka u depo prijevoznika na završetku rada.** Također, na početnim i krajnjim terminalima/terminusima vršiti dezinfekciju unutrašnjosti vozila kao i prirodno provjetravanje istog, a po mogućnosti vršiti dezinfekciju i u toku rada. Posebnu pažnju obratiti na vozački prostor, rukohvate i druge predmete koji se često dodiruju.”
- Rad javnog linijskog prijevoza putnika na području Kantona Sarajevo će se organizovati postupno u fazama a sve u skladu sa epidemiološkom situacijom, odnosno na način da će se usluge javnog linijskog prijevoza putnika pružati na slijedeći način:

Prva faza:

- a. putnici koji posjeduju radničke pretplatne karte i jedinične pretplatne karte, usluge prijevoza koristit će tokom dnevnog perioda pružanja usluge prijevoza,
- b. putnici koji posjeduju penzionerske, studentske, đачke, nezaposlene osobe i dr. pretplatne karte prijevozne usluge neće moći koristiti u vremenskom periodu od 06,30 do 09,00 sati kao i od 15,00 do 17,00 sati.
- c. Ministarstvo će, u zavisnosti od epidemiološke situacije, te u saradnji sa prijevoznicima utvrditi period trajanja prve faze i utvrditi način korištenja usluge prijevoza za naredne faze.

Instrukcijom od 08.06. 2020. godine „Druga faza” izvršena je korekcija i to u smislu da putnici koji posjeduju studentske kupone pored ranije utvrđenog za radničke pretplatne karte i jedinične pretplatne karte, usluge prijevoza mogu koristiti tokom dnevnog perioda pružanja usluge prijevoza.

Također, vremenski period kada određene kategorije putnika sa pripadajućim pretplatnim kartama neće moći koristiti prijevozne usluge korigovan je, i to: od 07,00 do 09,00 sati kao i od 15,00 do 17,00 sati.

Ograničenje po pitanju ne dozvoljava korištenja usluga prijevoz za pojedine kategorije putnika sa pripadajućim pretplatnim kartama u gore definisanim terminima je iz slijedećih razloga.

Da bi se ispoštovala preporuka Zavoda za javno zdravstvo FBiH,

“Broj i raspored putnika po sjedištima mora biti takav da omogućava propisani razmak (1-2m, odnosno jedno prazno sjedište) između njih. Ograničiti kapacitet na sjedeća mjesta i to tako da sjedi jedna osoba u redu, na način da sjede naizmjenično na sasvim lijevom i sasvim desnom sjedištu. Mjesta koja se ne koriste označiti trakom ili znakom upozorenja. Preporučujemo da se



web: <http://ms.ks.gov.ba>

e-mail: ms@ms.ks.gov.ba

Tel: + 387 (0) 33 562-058, + 387 (0) 33 562-059

Sarajevo, Reisa Džemaludina Čauševića 1

ne dozvoli stajanje i držanje za rukohvate tokom vožnje, osim prilikom ulaska i izlaska iz vozila.”

kojom se znatno smanjuju kapaciteti vozila javnog linijskog prijevoza putnika, i to:

- kapacitet u normalnim uslovima sjedećih i stajaćih mjesta tramvajskih vozila je cca 180 do 200 putnika a da bi se zadovoljile preporuke ZJZZ FBiH dozvoljeni broj putnika je cca 30 do 50 putnika;

- kapacitet u normalnim uslovima sjedećih i stajaćih mjesta trolejbuskih i autobuskih vozila je cca 80 do 120 putnika a da bi se zadovoljile preporuke ZJZZ FBiH dozvoljeni broj putnika je cca 20 do 35 putnika i

kapacitet u normalnim uslovima sjedećih i stajaćih mjesta minibuskih vozila je cca 30 do 60 putnika a da bi se zadovoljile preporuke ZJZZ FBiH dozvoljeni broj putnika je cca 12 do 18 putnika,

bilo je potrebno izvršiti vremensku preraspodjelu korištenja usluga javnog linijskog prijevoza putnika vodeći računa da svaka od kategorija može zadovoljiti svoje potrebe za kretanje. Tako je za kategoriju putnika koji posjeduju radničke kupone, to je kategorija stanovništva koja ima obavezu odlaska i povratka na posao, utvrđeno da usluge javnog linijskog prijevoza putnika mogu koristiti tokom dnevnog perioda pružanja usluge. Instrukcijom od 08.06. 2020. godine i putnicima koji posjeduju studentske kupone data je mogućnost da usluge prijevoza mogu koristiti tokom dnevnog perioda pružanja usluge prijevoza iz razloga jer su isti imali obavezu odlaska na polaganje ispita.

Također, da bi se omogućilo korištenje usluga prijevoz korisnicima koji posjeduju radničke kupone u skladu sa preporukama ZJZZ FBiH, kojim se znatno smanjuje prijevozni kapacitet vozila javnog linijskog prijevoza putnika, utvrđeno je da ostale kategorije korisnika sa pripadajućim pretplatnim kartama ne koriste usluge prijevoza u vršnim satima (od 07.00 do 09.00 sati i od 15.00 do 17.00 sati) kada prijevoz najviše koristi ova kategorija stanovništva. Iz gore navedenih razloga, kao i iz razloga što manjeg socijalnog kontakta, ostale kategorije stanovništva bi trebale da svoje potrebe za kretanjem organizuje van vršnih sati (od 07.00 do 09.00 sati i od 15.00 do 17.00 sati).

Ministarstvo saobraćaja kontinuirano, putem Radne grupe, prati epidemiološku situaciju i u saradnji sa prijevoznicima koji obavljaju javni linijski prijevoza putnika na području Kantona Sarajevo organizuje prijevoz u skladu sa preporukama ZJZZ FBiH koje se odnose na mjere prilikom prijevoza putnika vozilima javnog linijskog prijevoza putnika tokom epidemije koronavirusa (COVID-19).

S poštovanjem,

Dostaviti:

- ① Skupština Kantona Sarajevo
- Vlada Kantona Sarajevo
- evidencija
- arhiva



MIN

Kalemimir.azpi.ing



web: <http://ms.ks.gov.ba>

e-mail: ms@ms.ks.gov.ba

Tel: + 387 (0) 33 562-058, + 387 (0) 33 562-059

Sarajevo, Reisa Džemaludina Čauševića 1